



CONVOCATORIA DE BOLSAS PARA MELLORAR AS COMPETENCIAS LINGÜÍSTICAS DO ESTUDANTADO DA UNIVERSIDADE DA CORUÑA (2018)

Nunha aposta decidida pola internacionalización na casa e fóra dela, a Universidade da Coruña a través da Vicerreitoría de Internacionalización e Cooperación convoca bolsas para mellorar as competencias lingüísticas do estudantado matriculado en estudos oficiais na UDC.

A realidade en que estamos inmersos impulsa a aprendizaxe multilingüe co obxecto de favorecer o desenvolvemento global e multicultural da sociedade, así como de concienciar da necesidade de colaboración e solidariedade entre os pobos.

O coñecemento dun idioma distinto ao propio contribúe de forma esencial á formación integral do estudantado universitario e leva aparelado un descubrimento cultural que favorece a apreciación de valores distintos.

Esta aprendizaxe converteuse nun obxectivo fundamental da formación do estudantado universitario, favorecendo o plurilingüismo, a diversidade cultural e a mobilidade fóra e dentro da UE.

1. OBXECTO DA CONVOCATORIA E DESTINATARIOS

Convócanse en réxime de concorrencia competitiva 140 bolsas para a asistencia e o aproveitamento de cursos no Centro de Linguas de inglés, alemán, francés, italiano ou portugués.

Poderá solicitar estas bolsas o estudantado matriculado en estudos oficiais na UDC que estea interesado en matricularse nalgún curso do Centro de Linguas e cumpra os requirimentos do punto 4.

A Vicerreitoría de Internacionalización e Cooperación subvencionará o 100% do importe dos prezos de matrícula nos cursos do Centro de Linguas. As persoas beneficiarias deberán matricularse nos cursos de outono do Centro de Linguas nos prazos establecidos e aboar as taxas correspondentes.

2. FINANCIAMENTO

Esta convocatoria finánciase coas achegas de fondos propios da UDC con cargo á partida orzamentaria 0800080030 422D 48000 por un importe total de 25.000 €, sen prexuízo de que este importe poida ser incrementado en función da dispoñibilidade orzamentaria.

3. ÁMBITO DE APLICACIÓN

Os cursos organizaranse en función da demanda, mais en calquera caso ofrecerase un máximo de:

- 1 curso de inglés de B1.2
 - A Coruña: Inglés B1.2: luns e mércores de 18:30 a 21:00h
 - Ferrol: Inglés B1.2: martes e xoves de 18:30 a 21:00h
- 1 curso de inglés de final de B2
 - A Coruña: Inglés B2.2: luns e mércores de 18:30 a 21:00h
- 1 curso de alemán de final de A2
 - A Coruña: Alemán A2.2: martes e xoves de 18:30 a 21:00h
- 1 curso de francés de final de B1
 - A Coruña: Francés B1.2: martes e xoves de 14:30 a 17:00 h
 - Ferrol: Francés B1.2: luns e mércores de 16:00 a 18:30h
- 1 curso de italiano para acadar A2
 - A Coruña: Italiano A2: martes e xoves de 18:30 a 21:00h
 - Ferrol: Italiano A2: martes e xoves de 18:30 a 21:00h
- 1 curso de portugués para acadar A2
 - A Coruña: Portugués A2: luns e mércores de 16:00 a 18:30h
 - Ferrol: Portugués A2: luns e mércores de 16:00 a 18:30h

Estes horarios son orientativos, susceptibles de modificación

Os cursos terán unha duración de 60 horas e desenvolveranse nas seguintes datas:

- 17 de setembro - 5 de decembro de 2018: luns e mércores, 2,5 horas cada sesión.
- 18 de setembro - 13 de decembro de 2018: martes e xoves, 2,5 horas cada sesión.

4. REQUISITOS DOS SOLICITANTES

Poderá solicitar a axuda o estudiantado da Universidade da Coruña matriculado nunha titulación oficial da UDC a nivel de grao, mestrado ou doutoramento que se atope nalgunha das seguintes situacións:

- Que teña intención de realizar unha mobilidade internacional no curso 2019/20: o feito de aprobar o exame do curso no nivel requirido pola convocatoria de mobilidade internacional da UDC ou a universidade de destino eximirá o/a estudante da acreditación do coñecemento do idioma en que se impartan estudos nas universidades de destino, tal e como se require nos convocatorias de mobilidade da UDC.
- Alumnado de dobres titulacións internacionais
- Alumnado de graos bilingües

Quen solicite o curso de B1 de inglés e francés xustificará un nivel A2 respectivamente; quen solicite o curso de B2 terán que xustificar un coñecemento de nivel B1. Para comprobar o seu nivel de inglés ou francés, os/as solicitantes poden facer a proba DIALANG, dispoñible en <https://dialangweb.lancaster.ac.uk/>.

Para os niveis A2 de alemán, italiano e portugués non é necesario xustificar coñecementos previos aínda que son aconsellables.

5. CRITERIOS DE SELECCIÓN

Unha vez comprobado que as solicitudes se presentaron debidamente, procederase á adxudicación das bolsas, tendo en conta a nota media do expediente académico, e ponderado co coeficiente corrector de 1,17 para as titulacións técnicas.

Crearase unha listaxe única de adxudicación das axudas. Os 140 primeiros estudantes da listaxe recibirán a axuda, sempre e cando xustifiquen ao final do curso o aproveitamento mediante a presentación do certificado emitido polo Centro de Linguas que indicará a cualificación final obtida. O prazo de presentación é **dun mes** dende a data de finalización do curso e farase preferiblemente por correo electrónico ao seguinte enderezo iro@udc.es

O resto dos solicitantes aparecerán nunha listaxe de agarda e as bolsas iranse adxudicando, de ser o caso, na orde nela establecida.

A non xustificación do aproveitamento implicará a exclusión da listaxe do beneficiario. Aqueles solicitantes que por calquera motivo non obtiveran o título/certificado, deberán en calquera caso, presentar o resguardo de pagamento de matrícula, co obxecto de non ser excluídos nas dúas seguintes convocatorias destas bolsas.

6. SOLICITUDES

A persoa solicitante deberá presentar a seguinte documentación.

- Impreso de solicitude (Anexo I)
- Modelo de alta de datos bancarios (Anexo II)
- Copia do DNI
- Documentación acreditativa do nivel previo requirido no punto 4, de ser o caso
- Copia do expediente académico que o estudante pode descargar da Secretaría Virtual no que figura a media do expediente

7. PAGAMENTO DAS AXUDAS

Ao finalizar o prazo de presentación das solicitudes e de reclamacións e renuncias, resolverase a convocatoria e iniciarase a tramitación do pagamento por transferencia bancaria, unha vez recibido o certificado de asistencia e superación do curso. De non presentalo no prazo estipulado no punto 5, non se recibirá a axuda.

8. LUGAR DE PRESENTACIÓN DE SOLICITUDES

Esta convocatoria permanecerá aberta dende o día seguinte da súa publicación e até o 5 de setembro de 2018.

As solicitudes presentaranse preferentemente no Rexistro electrónico da UDC, no Rexistro Xeral da Universidade da Coruña (Maestranza, 9, 15001 A Coruña) ou nos rexistros auxiliares do campus da Coruña provisoriamente na Zapateira ou do campus de Ferrol (Dr. Vázquez Cabrera s/n, Esteiro, 15403 Ferrol). Asemade, poderán presentarse por calquera dos procedementos previstos no Artigo 16.4 da Lei 39/2015 de 1 de outubro de Procedemento Administrativo Común das Administracións Públicas.

Para máis información:

Oficina de Relacións Internacionais/Vicerreitoría de Relacións Internacionais

Tel: 981 167 000 (ext. 1956)

Correo electrónico: iro@udc.es

A Coruña, 310 de maio de 2018

O reitor

Julio E. Abalde Alonso

Convocatoria de bolsas para mellorar as competencias lingüísticas do estudiantado da
Universidade da Coruña

ANEXO I

Impreso de solicitude

APELIDOS E NOME:
DNI:
ENDEREZO ELECTRÓNICO:
CENTRO UDC:
TITULACIÓN:
CURSO QUE REALIZARÁ NO CENTRO DE LINGUAS:
MOTIVACIÓN DA SOLICITUDE: Titulación bilingüe Dobre titulación internacional Mobilidade internacional Outros (especifíquese o motivo):

Documentos que achega:

Modelo de alta de datos bancarios

Copia do DNI

Documentación acreditativa do nivel previo requirido (de ser o caso)

Copia do expediente académico

A Coruña, _____ de _____ de 2018

Sinatura da persoa solicitante _____

SRA. DIRECTORA DA OFICINA DE RELACIÓNS INTERNACIONAIS

UNIVERSIDADE DA CORUÑA CIF: Q 6550005 J Rúa da Maestranza, 9 15001 A Coruña	SOLICITUDE DE PAGAMENTO POR TRANSFERENCIA E MODIFICACIÓN DE DATOS PERSOAIS E/OU BANCARIOS ⁽¹⁾
---	--

I. DATOS DA PERSOA FÍSICA OU XURÍDICA ACREDORA		
NIF/NIE/CIF/PASAPORTE: ⁽²⁾		ALTA FISCAL PARA NOVOS RESIDENTES (NIE)
		<input type="checkbox"/> Declaro estar dado/a de alta no modelo fiscal 030 (NIE) ⁽³⁾
Nome e apelidos ou denominación social:		
Enderezo fiscal:		
Municipio:	Provincia:	Código postal:
Teléfono fixo:	Móbil:	Correo electrónico:

II. DATOS DO/A REPRESENTANTE	
NIF: ⁽²⁾	Nome e apelidos:

III. DECLARACIÓN DA ACTIVIDADE EMPRESARIAL
<input type="checkbox"/> Declaro que a miña actividade empresarial está incluída na listaxe do artigo 95.6 do Regulamento do IRPF (retención do 1 %) o cal se reflectirá na facturación que emita para a Universidade da Coruña.

IV. BAIXA DE DATOS BANCARIOS
Código IBAN:
E S

V. ALTA DE DATOS BANCARIOS
Código IBAN:
E S

CONSTANCIA DA ENTIDADE FINANCEIRA ⁽⁴⁾
Certifico a existencia da conta que se referencia en "V. Alta de datos bancarios" aberta a nome da persoa titular que se reflecte en "I. Datos da persoa física ou xurídica acreedora".
O/a apoderado/a
(SELO)
(Sinatura)

....., de agosto de.....

(Sinatura)

- (1) Calquera modificación posterior destes datos deberá formalizarse mediante un novo impreso.**
- (2) Achéguese unha fotocopia do documento correspondente.
- (3) Achéguese, se proceder, unha fotocopia do modelo fiscal 030.
- (4) Esta constancia debe ser asinada pola entidade financeira, ou achegar unha certificación en documento independente do propio banco ou caixa.